


Feumaidh flùran gràinneanan beaga poilean fhaighinn bho fhlùran eile den aon sheòrsa mus nochd siol. 'S e torachadh a th' air an-seo. Tha cuid de lusan, mar feur, a' glacadh poilean a th' air a shèideadh anns a' ghaoith, ach tha mòran fhlùran an urra ri meanbh-fhrìdean airson a ghiùlain. Tha dathan soilleir orra airson an tarraing agus 's dòcha gu bheil iad a' dèanamh lionn milis ris an canar neachtar, a tha a' còrdadh ri meanbh-fhrìdean.

Fhad 's a tha a' mheanbh-fhrìde a' cruinneachadh an neachtar tha gasan fireann (air a bheil stamain) anns an fhlùr a' dustadh poilean air a feadh. Nuair a ghluaiseas i gu flùr eile tha a' mheanbh-fhrìde an uair sin a toirt pàirt den phoilean seo gu gas boireann (no stiogma) — mar as trice aon air gach flùr. 'S ann an-seo a tha na h-uighean airson an torachadh. Aig an aon àm tha a' mheanbh-fhrìde a' cruinneachadh poilean bhon fhlùr seo airson a thoirt chun an ath fhear.



*seillean air clòbhar*



**G** Buain dhà no trì fhlùran anns a' ghàrradh agus feuch an lorg thu na flùr-bhileagan, na stamain agus an stiogma. Fo na flùr-bhileagan tha na siopail, duilleagan beaga uaine a tha a' dìon na flùr-bhileagan nuair a tha iad a' fàs anns a' ghucag. Na buain flùran fiadhaich ach fàg iad do mheanbh-fhrìdean agus airson toileachas dhaoin' eile.



*flur air a ghearradh*